

ՔՈՆԱՅԻ 1330 Թ. ԺՈՂՈՎԸ ԵՎ ՄԻԱՐԱՐԱԿԱՆ
ՇԱՐԺՄԱՆ ՍԿԶԲՆԱԿՈՐՈՒՄԸ

ԺԳ դարի կետերից հայ հասարակության ներսում խմորվում էին նոր երևույթներ ու իրադարձություններ, որոնք կապված էին «մուրացիկ» միաբանությունների՝ ֆրանցիսկյանների և դոմինիկյանների քարոզչական գործունեության հետ, որի հետևանքով նոր հատկանիշներ են ձեռք բերում հայ – եվրոպական փոխառնչությունները: Բանն այն է, որ Կիլիկյան Հայաստանում և Սեօ Հայքում հաստատված քարոզիչները արդեն չէին բավարարվում միայն հայերին ծանոթացնելով հռոմեա – կաթոլիկական դավանանքին, այլ հիմնում էին իրենց կենտրոնները և ծավալում գիտամշակութային լայն գործունեություն: Կաթոլիկություն տարածելու համար բավարար չէին միայն բանավոր քարոզները, այլ անհրաժեշտ էր ստեղծել ուսումնագիտական կենտրոններ, որոնք ի վիճակի լինեին լուծելու մի շարք խնդիրներ.

ա) Այդ կենտրոնները պետք է պատրաստեին հայոց լեզվին ու մշակութային քիչ թե շատ ծանոթ քարոզիչներ, ուստի անհրաժեշտ էր ունենալ այդ պահանջները բավարարող դպրոցներ:

բ) Նրանց գործունեության կարևոր ոլորտը պետք է դառնար նաև թարգմանական աշխատանքներ կատարելը, որպեսզի հայ հասարակությունը առավել մոտիկից ծանոթանար նոր գաղափարախոսության հետ: Ֆրանցիսկյանների և դոմինիկյանների մշակութային գործունեությանը կանդրադառնանք այլ առիթներով, իսկ սույն հոդվածի շրջանակներում կփորձենք պարզաբանել.

ա) Քոնյայի ժողովը, մասնակիցների կազմը, միաբարական շարժման սկզբնավորումը և կառուցվածքը:

բ) Հովի. Քոնցեցու «Շրջաբերական թուղթը» և նրա նշանակությունը հայ հասարակական – քաղաքական կյանքում:

Հայ հասարակության մեջ սկզբում քարոզչական լայն գործունեություն էին ծավալել ֆրանցիսկյանները, սակայն նրանց վիճակված չէր պապականության հովանու ներքո երկար աշխատել, քանզի 1318 թ. ապրիլի 1-ին Հովհաննես ԻԲ պապը (1316-1334) հրատարակեց «Redemptor noster» բուլլան, որով ֆրանցիսկյան և դոմինիկյան միաբանությունների քարոզչական գործունեության շրջանների նոր բաժանում կատարվեց¹: Դոմինիկյան միաբանությունը ստացավ նաև նոր հիմնադրված Սուլթանիա արքեպիսկոպոսությունը

¹ После Марко Поло, Путешествия западных чужеземцев в страны трех Индий. Перевод с латинского и старомитальянского языков, введение и примечания Я. М. Света, Москва, 1968, с. 98.

(առաջին արքեպիսկոպոս Նշանակվեց Ֆրանկո Պերուջացին), որն իր շրջանակներում ուներ վեց թեմ, այդ թվում Թավրիզը, Մարաղան, Դեհխարկանը: Այս բաժանումից հետո Արևելքում լայն գործունեություն են ծավալում դոմինիկյան քարոզիչները: Այս բաժանումը էական ազդեցություն չունեցավ հայ իրականության մեջ, քանզի կաթոլիկական գաղափարախոսությանը հակված հայ գործիչները նույն մտայնությամբ շարունակեցին իրենց գործունեությունը դոմինիկյանների հետ:

Քանի որ Քոնսյի ժողովի հրավիրումը և «Շրջաբերական թղթի» երևան գալը կապված էին Յովհ. Քոնեցի վարդապետի գործունեության հետ, ապա աղբյուրների տվյալների համադրմամբ կփորձենք պարզաբանել առավել կարևոր իրադարձությունների հետ աղերսվող որոշ խնդիրներ:

1328թ. Գլածորի համալսարանի ռաբունապետ Եսայի Նչեցին Մարաղա է ուղարկում իր աշակերտներից մեկին Յովհաննես Քոնեցուն: Այս իրողությունը հայագիտության մեջ տարաբնույթ մեկնաբանումների և եզրակացությունների տեղիք է տվել²: Բանն այն է, որ այս տեղեկությունը Մխիթար Ապարանեցին հաղորդում է հետևյալ ձևով. «Քանզի մեծ վարդապետն Յայոց Եսայի, որ էր ի Գայլիժորն, որ տուեալ է գաւազան իշխանութեան վարդապետելոյ զՃ. եւ Կ. է. անծանց, էր ջաբրոնաւոր իւրով ամենայն ընտրելովքն ըստ սովորութեան Սըսա միաբանողացն: Վասն որոյ յորժամ լուաւ եթէ սուրբ եպիսկոպոսն տէր Բարդուխմէոս ի Ֆոանկաց եկեալ է ի Մարաղա քաղաք ի քարոզութիւն, առաքեաց զոմն ընտիր աշակերտն իւր, այսինքն զՅովհան վարդապետն, առ ի բերել զնա առ ինքն զի ամենեւին ուսուցցէ զամենեսեան ըստ ձեւո սուրբ եկեղեցու»³:

Նախ «Սըսա միաբանողաց» դավանաբանական հասկացության մասին: 1307 թ. Սսի ժողովի ընդունած Սահմանադրության շրջանակներում ձևավորված այս հասկացությամբ փորձում էին բնութագրել հայոց եկեղեցին անկախ այն բանից, թե տվյալ եկեղեցական վիճակը ընդունել էր ժողովի կանոնները, թե՞ ոչ: Փաստորեն հաշվի էին առնում այն հանգամանքը, որ ժողովի ընդունած Սահմանադրության տակ ստորագրել էր հայոց կաթողիկոսը, ըստ այդմ էլ նրան տալիս էին համահայկական բնույթ: Հասկացությունը շրջանառության մեջ դրվեց հայ հասարակական – քաղաքական միջավայրում ձևավորված գաղափարական հոսանքներից մեկին բնորոշելու համար:

Ինչ վերաբերում է վերոհիշյալ հատվածի վերջին մասին, ապա կասկածանքի տեղիք չի տալիս, որ Յովհ. Քոնեցին Մարաղա է մեկնել Եսայի Նչեցու հանձնարարականով: Զարմանալի ոչինչ չկա, եթե կաթոլիկ քարոզիչների դեմ ծավալած պայքարի ակնառու առաջնորդներից մեկը նրանց

² Յովհաննես Քոնեցի Յաղագս Ձերականին, Բնագիրը հրատարակության պատրաստեց Լ. Խաչիկյանը, Երևան, 1977, էջ 23:

³ M. A. Oudendorp, *Linguae Heicanæ scriptores Ordinis Praedicatorum congreagationis Fratrum Unitorum*, Bern, 1960, p. 216.

գործունեության մասին ճշգրիտ տեղեկություններ ստանալու համար իր աշակերտներից մեկին ուղարկելու Մարաղա: Ի՞նչ վերաբերում է Բարթոլոմեոս Մարաղացուն Գլածոր հրապիրելու խնդրին, թերևս նման փորձեր եղել են, բայց ոչ կաթոլիկություն քարոզելու, այլ ուսուցչությամբ զբաղվելու կամ հավատքի հարցերի շուրջ վիճաբանելու համար:

Հետաքրքիր է, որ «Շրջաբերական թղթում» Հովհ. Քոնեգին չի նշում, որ ինքը Մարաղա է մեկնել Եսայի Նչեցու հանձնարարությամբ. «Արդ պատահեցաւ ինձ երթալ ի քաղաքն Մարաղայ...»: Այստեղից կարելի է եզրակացնել.

ա) Մխիթար Ապարանեցու հավելումը նպատակ է հետապնդել կարևոր իրադարձությունների շղթայում ներկայացնել նաև ժամանակի նշանավոր գործիչ Եսայի Նչեցուն:

բ) Որպեսզի հիմնավորի իր գործունեության խորհրդավորությունը Հովհ. Քոնեգին Մարաղա մեկնելը բացատրում է «պատահեցաւ» անորոշ ձևով:

Այնուհետև. «Այլ Յոհան վարդապետն, յամեալ անդ առ նա ամ մի եւ կես, ուսաւ ի նմանէ եւս բազում վարդապետութիւն եւ ապա առեալ տարաւ զնա ի գաւառն իւր եւ ի գեղն իւր Քոնա, զի անդի տարածեսցի ընդ ամենայն երկիր ուսումն ճշմարտութեան...»:

Խնդրո առարկա ժամանակաշրջանի կրոնական կենցաղավարության պայմաններում մի դավանանքից մյուսին անցնելը հաճախ կապված էր նաև պատահական, մասնավորապես արտաքին ազդակների հետ: Այս դեպքում չի բացառվում նաև նման ազդակների առկայությունը Հովհ. Քոնեցու շրջապատում, մասնավորապես եթե հաշվի առնենք հասարակական – քաղաքական և հոգևոր – մշակութային այն լարված միջավայրը, որտեղ ապրում և աշխատում էր նշանավոր վարդապետը:

Մեկ և կես տարի մնալով Մարաղայում Հովհ. Քոնեգին Բարթոլոմեոս Մարաղացու հետ վերադառնում է և հաստատվում իր հայրենի Քոնա գյուղում: Այստեղ գյուղի տանուտեր պարոն Գորգի ջանքերով (Գորգը Հովհ. Քոնեցու մորեղբայրն էր) կառուցում են եկեղեցի. «...ի գեղս Քոնայ, ընդ հովանեաւ սուրբ Աստուածածնին, որ նոր շինեցաւ զօրութեամբ կուսին Հ. (70) ար...»⁶: Դժվար է պատկերացնել, որ 70 օրում կառուցվել է նոր եկեղեցի: Հավանաբար խոսքը վերաբերում է օժանդակ շինություններին, քանզի այն պետք է դառնար մշակութային և քարոզչական կենտրոն. «...եւ սոքա երեքեան՝ Յոհան վարդապետն եւ պարոն Գորգն եւ տիկին Ելթին ինքնայոժար կամօք

⁴ Կղ. Գալանոս, Միաբանութիւն հայոց սուրբ եկեղեցւոյն ընդ մեծի սուրբ եկեղեցւոյն Հռովմայ, հ. I, Գոռն, 1650, էջ 518:

⁵ M. Oudendorp, p. 216.

⁶ ԺԴ դարի հայերեն ձեռագրերի հիշատակարաններ. կազմեց Լ.Խաչիկյան, Երևան, 1950, էջ 216:

նուիրեցին զվանքս կարգին քարոզողաց սրբոյն Դօմինիկոսի տուրք յախտենական...»⁷:

Քոնայի դպրոցում ծավալած մշակութային գործունեությունից բացի Դովի. Քոնեցին և նրա կողմնակիցները ձեռնամուխ են լինում նաև հայ – հռոմեական եկեղեցիների միավորման ծրագրի մշակմանը: Այս նպատակով Դովի. Քոնեցին իր շուրջն է համախմբում Գլաժորի համալսարանում իր հետ ուսանած մի շարք վարդապետների:

Այս հանգամանքը իրավունք է տալիս եզրակացնելու.

ա) Մինչև ծավալուն քարոզչական գործունեության անցնելը «կարգին միաբանողաց» անդամագրվողները առավելապես զբաղվում էին գիտաթարգմանչական գործունեությամբ, ուստի անհրաժեշտ էին գիտուն վարդապետներ:

բ) Եկեղեցիների միավորման ծրագիրը կենսագործելիս պետք է կարողանային հիմնավորել հայոց եկեղեցում կատարվող դավանաբանական վերափոխումների կարևորությունը: Այս բարդ ու դժվարին խնդիրը պետք է լուծեին դավանաբանական նորածնություններին խորագիտակ վարդապետները:

Դովի. Քոնեցու ջանքերով 1330 թ. Քոնայում հրավիրվում է վարդապետների ժողով: Լ. Խաչիկյանը, հենվելով Մաշտոցի անվան Մատենադարան N N 2180 և 1301 գրչագրերում պահպանված անվանացանկերի վրա, փորձել է ճշգրտել ժողովի մասնակիցների կազմը. «Մարգարե վարդապետն ի գեղջեն Օծոպայ, Յակոբ վարդապետն ի գեղջեն Քոնայ, Դայրապետ վարդապետն յեօթնադրիւր գեղջե, Յովհաննէս վարդապետն ի Ծուան գեղջե, Սիմէոն վարդապետն ի Բասին գեղջե (տորբկ. ի Բասեն գաւառէ), Ներսէս վարդապետն ի Թարսոն գաւառէ (տորբկ. ի գաւառէն Տարօնոյ), Սոաքէլ և Լալ (տորբկ. Իսրաէլ) վարդապետք յԱրտագուն գաւառէ (տորբկ. ի գաւառէն Արտագուն), Գրիգոր վարդապետն յԱպրակունիս գեղջե, Կոստանդին և Յովհաննէս վարդապետք ի Կաղզվանոյ գաւառէ (տորբկ. ի յաշխարհէն Կիլիկիոյ), Սիմէոն վարդապետն ի Խաչին (տորբկ. Խաչեն) գաւառէ. եւ այլք բազումք, որոց անուանք գրեալ են ի գիրս կենաց»⁸:

Այս տարընթերցումներից պարզեցինք Ներսէս վարդապետի հետ կապված հանգամանքները. «Ես Ներսէս անուամբ վարդապետ, բայց գործով վերջացեալ հող և մոխիր վարդապետաց, որդի Վահրամա, յաշխարհէն Տարօնու ի գաւառէն Սասնու, ի վանացն Ղազարու, ի գեղջեն, որ կոչի Կոռ...»⁹: Այն, որ հիշատակվող Ներսէսը Քոնայի ժողովին մասնակցած Ներսէս վարդապետն, է հաստատում է վերոնշյալ հիշատակարանի հաջորդ հատվածը. «...և ուղղեալ գնացի ի Քոնայ, առ սուրբ Եպիսկոպոսն տէր Բարդուղիմոս և առ

⁷ Նույն տեղում, էջ 338:

⁸ Յովի. Քոնեցի, էջ 24:

⁹ Հիշատակարաններ, ԺՂ դար, էջ 245:

վարդապետքն Հայոց, որ առ նմա կային յայնժամ. և Մարգարի՛ վարդապետն չէր անդ, որ կազմող էր գրոց, այլ զնացեալ էր ի ճահով...»¹⁰:

Ինչ վերաբերում է Արտազը ներկայացնող Լալ վարդապետին, ապա նա Ծործորի վանքի նշանավոր վարդապետ Իսրայելն է:

Ժողովի ընդունած որոշումները մեզ չեն հասել: Այդ մասին որոշ տեղեկություններ ստանում ենք Հովհ. Քոնեցու «Շրջաբերական թղթից», «Թուրտ Յոհաննու վարդապետին Քոնեցույ առ միաբանեալ եղբարսն Հայոց»¹¹, որի գրության ճիշտ ժամանակը մնում է վիճահարույց: Համեմայնդեալս, թղթում շարադրված որոշ տեղեկություններ, մասնավորապես Բարթուղիմեոս Մարաղացու մահը (1333) և Հովհ. Քոնեցու Ավինյոն մեկնելը (1333), թույլ են տալիս եզրակացնելու, որ այն շարադրվել է 1333 թ. հետո:

Հովհ. Քոնեցին և նրա համախոհները իրենց գործունեությունը ներկայացնում էին որպես հայոց եկեղեցու «մոլորությունները» հաղթահարելու գործընթաց. «Եւ ի քարոզողացս այսոցիկ առաքեցան ոմանք ի գերագոյն պապէն Յոհաննու րորդէ, հանդերձ հայրապետական թղթով առ տէր Կոստանդին Կեսարացի կաթողիկոսն և առ Օշին արքայն Հայոց: Վասն որոյ նոյն կաթողիկոսն գումարելով զամենայն եպիսկոպոսունս և զեկեղեցականս, որք էին բռանք իւրով, ի միասին ընդ նմին Օշին արքային Հայոց և իշխանաց թագաւորութեան իւրոյ արար ժողով յորում Հայք ի յաւարտելն միաբանութեան ընդ սուրբ եկեղեցուն Հռովմայ: Խոստացան զհնազանդութիւն Հռովմայ Քահանայապետին...»¹²:

Պատահական չէր, որ Հովհ. Քոնեցին աշխատում էր.

ա) Միաբանող եղբայրներին ցույց տալ, որ իրենք կենսագործում են այն ծրագրերը, որոնք ընդունվել էին անցյալում:

բ) Երկու եկեղեցիների միավորման կողմնակիցների թվում նշելով Օշին թագավորին, Կոստանդին Կեսարացի կաթողիկոսին և Հայաստանի նշանավոր եկեղեցաքաղաքական գործիչներ՝ Ջաքարիա արքեպիսկոպոս և Հովհաննես վարդապետ Ծործորեցիների անունները, աշխատում էր թույլատրելի և օրինական դարձնել իրենց գործունեությունը:

Քանի որ «Շրջաբերական թղթում» որոշ երևույթներ ու իրադարձություններ Հովհ. Քոնեցին անձնավորել է, ապա կփորձենք վերլուծել դրանցից մի քանիսը: Այսպես. «Բայց ի միտ ածելով, թէ պարտական էի ոչ միայն անձին իմոյ փրկութեան, այլ ևս ամենեցուն մերայնոց. ցաւէր յիս արդեօք ոգի իմ»¹³: Հովհ. Քոնեցին աշխատում էր իր գործունեությունը ներկայացնել ոչ միայն հօգուտ անձնական, այլև հասարակական փրկության, որը պետք է իրագործվեր

¹⁰ Նույն տեղում, էջ 246:

¹¹ Կղ. Փալանոս, էջ 513-522:

¹² Նույն տեղում, էջ 517:

¹³ Նույն տեղում, էջ 519:

կաթուիկ դավանանքի շրջանակներում ձևավորված մշակութային արժեքների յուրացման ճանապարհով: Իր գործունեության ելակետը և արդարացումը Հոփի. Քոնեցին շաղկապում էր հոգու փրկության կնճռոտ խնդրի հետ. «Ուստի ի յաւարտելն ամին սկսաք ամենեքեանս քարոզել ի բոլոր Հայս զմիաբանութիւն ընդ եկեղեցւոյն Հռովմայ հարկաւոր իսկ գոլ առ ի փրկութիւն հոգւոյ...»¹⁴: Այս հատվածից պարզ երևում է, որ միաբարական շարժման կառուցվածքային խնդիրը Քոնեայի ժողովը չլուծեց: Ժողովի մասնակիցները հավանաբար նման խնդիր իրենց առջև չէին դրել: Դա այնքան էլ հեշտ չէր, քանզի բավարար չէր որպես սկզբունք վերցնել եկեղեցու թեմական կառուցվածքը թեկուզ այն պարզ պատճառով, որ կազմակերպման շրջանակներում ամենից առաջ հարկավոր էր իրագործել եկեղեցիների միավորման ծրագիրը: Շարժման կազմակերպման հետ առնչվող մի շարք խնդիրների լուծման անհրաժեշտությունը ստիպում է Հոփի. Քոնեցուն մեկնել պապական արքունիք:

Սիաբանությունը որպես այդպիսին հաստատվում է Հոփի. Քոնեցու վերադառնալուց հետո. «Վասն որոյ դարձայ ի յարևելս և հանդերձ ընկերակցօք իմօվք ուխտ արարաք կեալ կրօնաւորապես ըստ կանոնաց սրբոյն Օգոստինոսի և ըստ կացուցմանց սրբոյն Դոմինիկոսի, զոր և համարեցաք ունել որպէս հայր, հիմն, և սկիզբն կարգին մերոց: Եւ ընդ առնելն ուխտադրութեանս ի ձեռն տեառն Յոհաննու ազգաւ լատին, որ առաքեալ էր ի Հռովմայ պապէն հանդերձ լիագոյն իշխանութեամբ եպիսկոպոս Թփլիզ քաղաքին, եւ ընդրեցայ գաւառական առաջնորդ մերոյ կարգիս միաբանողաց ըստ իշխանութեան ի նոյն եպիսկոպոսէ աւանդեալ մեզ...»¹⁵:

Այսպես, հայ իրականության մեջ ստեղծվում է նոր միաբանություն, որը ստանում է «Հայ միաբանող եղբայրներ» անվանումը: Նորաստեղծ միաբանությունը, չնայած այն հանգամանքին, որ առաջնորդվում էր դոմինիկյան կանոններով, չպետք է նույնացնել նրա հետ. «Ա. Դոմինիկոսի միաբանութեան մէկ ճշգրիտ տիպարն էր, ի բաց առեալ մշտնջենաւոր պահեցողութիւնը եւ կամաւոր աղքատութիւնը: Իրենց ուխտին ծելին մէջ կաւելցնէին նաեւ Հռոմայ եկեղեցւոյ հնազանդութեան խոստումը, որ սովորոյթը մտած էր Պանդոլխտ եղբայրներէն իբրեւ հաւատոյ երաշխաւորութիւն»¹⁶:

Հայ միաբանող եղբայրների կարգը չպետք է նույնացնել նաև դոմինիկյան միաբանության ներսում 1300-1304 թթ. ձևավորված «Շրջող եղբայրներ» միաբանության հետ, որի կանոնադրությունը հաստատվել էր 1312 թվականին:

Երկու եկեղեցիների միավորման համար «Սիաբանող եղբայրները» առաջարկում էին վերակառուցել հայոց եկեղեցական միջավայրը, ուստի պատահական չէ, որ «Շրջաբերական թղթում» հայոց եկեղեցուն ներկայացվում

¹⁴ Նույն տեղում, էջ 520:

¹⁵ Նույն տեղում, էջ 521:

¹⁶ Ի. Սրապեան, Հայք եւ ունիթորք, «Հանդես ամսօրեայ», 1909, N 11, էջ 323-324:

միաբանող եղբայրների կարգը) և կազմեց դոմինիկյան միաբանության հայկական ճյուղը:

Այժմ պարզաբանենք այն հարցը, թե միաբարական շարժման նկատմամբ ինչ վերաբերմունք ունեւ հայոց եկեղեցին, մասնավորապես Սսի կաթողիկոսությունը:

Խոսելով միաբանող եղբայրների գործունեության մասին Մխ. Ապարանեցին գրում է. «Այլ թէպէտ բազումք գաղճք եւ ատելիք գտան, սակայն բազումք ընդ ամենայն աշխարհ ջերմեռանդ միաբանութեամբ եղեն սիրեցեալք ի Տեառնէ, այսինքն ի Սիս եւ ընդ յամենայն երկրի եւ ի Սեբաստիա եւ ի Զոռոմոց Տունն, ի յԱռաքելոց երկիրն եւ ի Ղարաքանթն, ի Սալմաստ եւ ի յերկիրն իւր, ի Սօլքանիա եւ ի Սարաղա, ի Թափոթ եւ ի Նախիջեւանո յերկիրն, այսինքն ի գաւառն եւ ի յերընջակոյ երկիրն, ի Գողղն եւ ի յԱմասպատն եւ ի սահմանս նոցա եւ ի յայլ բազում յընթանոր եւ ի մասնաւոր տեղիս ի Սըսո մինչեւ ի Անծ Զայք...»²²:

Պարզ է, որ և միաբանող եղբայրները, և հայոց եկեղեցու ավանդապահ գործիչները պետք է դիմեին Սսի հայոց կաթողիկոսությանը հայ հասարակական — քաղաքական կյանքը ակեկոծող խնդիրների շուրջ պարզաբանումներ ստանալու համար: Զակոբ Սսեցի կաթողիկոսը (1327-1341) կամա թե ականա պետք է աղերսվեր միաբարական շարժման դեպքերին ու իրադարձություններին: Մենք համակարծիք չենք այն հեղինակների հետ, որոնք Զակոբ Սսեցուն ներկայացնում են որպէս միաբարական շարժման համախոհ ու կողմնակից, հիմք ընդունելով հետևյալ վկայությունը. «...եւ ի կաթողիկոսութեան Զայոց տեառն Յակոբայ, որ էր յոյժ հնազանդ սուրբ եկեղեցւոյն Զոռմայ եւ հրամանակատար...»²³: Զիշատակարանի այս հատվածը չի համապատասխանում իրականությանը, քանզի այն արձանագրվել է 1329 թ. և պատկանում է Բարթոլոմէոս Սարաղացու գրչին: Իրականում ժամանակի նշանավոր եկեղեցաքաղաքական գործիչը միանշանակ վերաբերմունք չունեւ շարժման նկատմամբ՝ ելնելով հետևյալ հանգամանքներից.

ա) Շարժման նկատմամբ դրական վերաբերմունք ակնկալում էր Կիլիկյան Զայաստանի եկեղեցաքաղաքական կյանքը կարգավորող բարձրաստիճան գործիչների մի մասը:

բ) Շարժումը սկզբնավորվել էր Զայաստանում, և կաթողիկոսի համար դժվար էր որոշակի վերահսկողություն սահմանել նրա ընթացքի վրա:

գ) Զակոբ Սսեցու դիրքորոշման վրա չէր կարող ազդեցություն չունենալ այնպիսի գործոն, ինչպիսին միաբարակների ծավալած մշակութային գործունեությունն էր:

²² M.Oudenrijn, p. 217.

²³ Զիշատակարաններ, ԺԴ դար, էջ 216:

Միաբարձրների կողմից հայոց եկեղեցուն ներկայացվող «117 մոլորությունների» ցանկում կաթողիկոսը ներկայացված է որպես շարժման հակառակորդ. «Փոքր հայոց կաթողիկոսի մոտ եկան իրենց նկրտության և ձեռնադրության վրա կառավարող արքեպիսկոպոսներ, որոնց նա պատվիրեց. ա) Լատինական ծեսով պառստազ յաննք, բ) Պաիք ու ծոյն չպահեց լատինական կանոններով, գ) հայոց նկրտությունը լատինականից լավն է, ուստի կրկնամկրտություն չաննք, դ) Հայերին հռոմեադավան չդարձնեք՝ վկայելով, քե հայադավանը կգնա դժոխք, ե) Երեխաներին լատիններեն լեզու չսովորեցնեք: Երբ կաթողիկոսը ձեռնադրեց վեց եպիսկոպոս, նրանցից ստորագրություն վերցրեց, որ իրենց քննելու լատիններեն չեն ուսուցանի և կաթոլիկ քարոզիչներ չեն ընդունի, զ) Պապին չպետք է ընդունենք որպես Արևելքի եկեղեցիների գլուխ, քանզի ծովից մինչև Թաթարստան հայոց կաթողիկոսն է եկեղեցու գլուխը»²⁴: Եթե ընդունենք, որ «մեղադրանքների» մի մասը չափազանցված է, ապա կաթողիկոսի գահընկեցության պարագան պարզորոշ վկայում է, որ Հակոբ Սսեցին շարժման հակառակորդ էր:

Միաբարական շարժումը իր սկզբնավորման պահից չկարողացավ մշակել գործողությունների միասնական ծրագիր, ուստի նրա ներսում ձևավորվեց երկու հոսանք: Առաջինը ներկայացնում էին շարժման հիմնադիրները Հովհ. Քոնեցին, Հակոբ Թարգմանը, Մարգարե վարդապետը և նրանց կողմնակիցները: Սրանք այն հայ վարդապետներն էին, որոնք հայ - հռոմեական եկեղեցիների միավորման ընդհանուր քարոզչության ներքո ավելի շատ զբաղվում էին մշակութային գործունեությամբ: Սրանց գործունեությունը հիմնականում ամփոփվում էր վանական դպրոցներում: Սակայն այս կամ այն նկատառումներով շարժմանը հարում էին գործիչներ, որոնք ձեռնամուխ եղան հայոց դավանանքը լատինականով վերակառուցելու գործնական քաղաքականությանը:

Ընդհանուր հայտարարի բերելով վերը շարադրվածը կարելի է եզրակացնել, որ ֆրանցիսկյան և դոմինիկյան միաբանությունների քարոզչական գործունեության հետևանքով հայ հասարակական - քաղաքական կյանքում ծնունդ առան նոր երևույթներ ու իրադարձություններ: Հովհ. Քոնեցու նախածոնությամբ 1330 թ. Քոնայում հրավիրվում է հայ վարդապետների ժողով, որտեղ որոշում են հայոց եկեղեցին միավորել կաթոլիկ եկեղեցու հետ: Այսպես հայ իրականության մեջ ձևավորվում է միաբարական շարժումը, որը աշխատում էր վերակառուցել հայ հասարակության հոգևոր - մշակութային կյանքը:

²⁴ I. D. Mansi, Sacrorum conciliorum nova et amplissima collectio, Graz-Austria, 1961, vol. 25, p. 1251-1253.